



INSTRUKCIJA
o načinu identifikacije i glasanja birača na odgođenim izborima u osnovnoj izornoj jedinici
Jablanica

Sarajevo, oktobar 2024. godine

Na osnovu člana 2.9 stav (1) tačka 2. i člana 14.2 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10 18/13, 7/14, 31/16, 41/20, 38/22, 51/22, 67/22 i 24/24) i Odluke o raspisivanju i održavanju Lokalnih izbora 2024. godine u osnovnoj izbornoj jedinici Jablanica broj: 05-1-07-1-2865-7/24 od 22.10.2024. godine, Centralna izborna komisija Bosne i Hercegovine je na 92. sjednici, održanoj 24.10.2024. godine, donijela

INSTRUKCIJU

o načinu identifikacije i glasanja birača na odgođenim izborima u osnovnoj izbornoj jedinici Jablanica

Član 1. (Predmet)

Instrukcijom o načinu identifikacije i glasanja birača na odgođenim izborima u osnovnoj izbornoj jedinici Jablanica (u daljnjem tekstu: Instrukcija), regulira se način identifikacije birača kojima su u elementarnim nepogodama uništeni lični dokumenti, te određivanju lokacija biračkog mjesta u ugroženim područjima.

Član 2. (Način ostvarivanja biračkog prava birača kojima su uništeni identifikacioni dokumenti)

- (1) Birač kojem su u elementarnoj nepogodi na području osnovne izborne jedinice Jablanice uništene lične isprave, svoje biračko pravo može iskoristiti uz predočenje obrasca lične karte s fotografijom (LK-OI-4), izdatog od strane nadležnog Ministarstva unutrašnjih poslova.
- (2) Za izdavanje obrasca lične karte s fotografijom LK-OI-4 neophodno je da se birač lično obrati nadležnom Ministarstvu unutrašnjih poslova, te izvrši prijavu da su mu uništeni identifikacioni dokumenti, na osnovu čega će mu biti izdat obrazac lične karte s fotografijom LK-OI-4.
- (3) Izborna komisija osnovne izborne jedinice iz stava (1) ovog člana dostavit će odmah podatke Centralnoj izbornoj komisiji Bosne i Hercegovine o biračkim mjestima na kojima su upisani birači kojima je potrebno izdavanje obrasca lične karte s fotografijom LK-OI-4.

Član 3. (Određivanje lokacija biračkih mjesta na ugroženom području)

- (1) Za potrebe glasanja birača na biračkom mjestu 126A013 (Donja Jablanica), izborna komisija osnovne izborne jedinice Jablanica odredit će novu lokaciju biračkog mjesta na kojoj će birači ostvariti svoje biračko pravo.
- (2) O lokaciji biračkog mjesta iz stava (1) ovog člana, izborna komisija osnovne izborne jedinice Jablanica obavijestit će: Centralnu izbornu komisiju BiH i birače.

Član 4.
(Stupanje na snagu i objava)

Ova Instrukcija stupa na snagu danom donošenja i bit će objavljena na zvaničnoj internet-stranici Centralne izborne komisije Bosne i Hercegovine, www.izbori.ba

Broj: 06-1-07-1-2865-9 /24
Sarajevo, 24.10.2024. godine



Predsjednica

Elvira Hadžić